



20__ ЖЫЛҒЫ _____
№ _____

Астана қаласы,
Үкімет Үйі

от «__» _____ 20__ год
№ _____

Исх. № 894 от 24.10.2025, Вход № Д-27608/894 от 29.10.2025

**Квазимемлекеттік сектор субъектілері мен мемлекеттік меншік
объектілерін оңтайландырудың
кейбір мәселелері туралы**

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған:

1) жекешелендірілуге тиіс мемлекеттік активтер тізбесіне объектілерді қосу және одан алып тастау жөніндегі әдістеме;

2) жекешелендірілуге және заңды тұлғаларды қосу не біріктіру арқылы қайта ұйымдастырылуға тиіс республикалық меншік ұйымдарының тізбесі бекітілсін.

2. Жергілікті атқарушы органдарға:

1) осы қаулыға 1-қосымшаға сәйкес бәсекелес ортаға беру ұсынылатын коммуналдық меншік ұйымдарының тізбесін;

2) осы қаулыға 2-қосымшаға сәйкес сенімгерлік басқаруға беру ұсынылатын коммуналдық меншік ұйымдарының тізбесін;

3) осы қаулыға 3-қосымшаға сәйкес заңды тұлғаларды қосу не біріктіру арқылы қайта ұйымдастыру ұсынылатын коммуналдық меншік ұйымдарының тізбесін;

4) осы қаулыға 4-қосымшаға сәйкес тарату ұсынылатын ұйымдар тізбесін бекіту ұсынылсын.

3. Осы қаулыға 5-қосымшаға сәйкес «Самұрық-Қазына» ұлттық әл-ауқат қоры» (келісу бойынша), «Қазақстан инжиниринг» ұлттық компаниясы» (Kazakhstan Engineering) (келісу бойынша) акционерлік қоғамдарына ұлттық басқарушы холдингтердің, ұлттық компаниялардың және олармен үлестес болып табылатын өзге де заңды тұлғалардың бәсекелес ортаға беру және тарату ұсынылатын еншілес, тәуелді ұйымдарының тізбесін бекіту ұсынылсын.

4. Қазақстан Республикасының Бәсекелестікті қорғау және дамыту агенттігі (келісу бойынша) мүдделі мемлекеттік органдармен және ұйымдармен

бірлесіп осы қаулыға 6-қосымшаға сәйкес компаниялардың жарғыларынан қызмет түрлерін алып тастау бойынша жұмыс жүргізсін.

5. Орталық және жергілікті атқарушы органдар, Қазақстан Республикасының Президентіне тікелей бағынатын және есеп беретін мемлекеттік орган (келісу бойынша), квазимемлекеттік сектор субъектілері (келісу бойынша), сондай-ақ мүдделі ұйымдар (келісу бойынша):

1) осы қаулыны іске асыру бойынша шаралар қабылдасын;

2) жыл сайын, бірінші жартыжылдықтың және жылдың қорытындылары бойынша (10 шілдеге және 10 қаңтарға дейін), Қазақстан Республикасының Ұлттық экономика министрлігіне және Қазақстан Республикасының Бәсекелестікті қорғау және дамыту агенттігіне осы қаулының іске асырылу барысы туралы ақпарат беріп тұрсын;

3) объектілердің уақтылы өткізілмеуіне, сонымен қоса жекешелендіру мерзімін ауыстыруға жол берген мемлекеттік органдар басшыларының орынбасарларынан, ұйым басшыларының орынбасарларынан төмен емес лауазымды тұлғалардың тәртіптік жауапкершілігі мәселесін қарасын;

4) Қазақстан Республикасы Үкіметінің 2004 жылғы 30 шілдедегі № 810 қаулысымен бекітілген экономиканың стратегиялық маңызы бар салаларының өздеріне қатысты меншіктің мемлекеттік мониторингі жүзеге асырылатын объектілерінің тізбесіне және Қазақстан Республикасы Үкіметінің 2008 жылғы 30 маусымдағы № 651 қаулысымен бекітілген ұлттық холдингтердің және (немесе) ұлттық компаниялардың не олардың аффилирленген тұлғаларының, сондай-ақ мемлекет қатысатын өзге де заңды тұлғалардың жарғылық капиталдарына берілген және (немесе) олардың меншігінде тұрған стратегиялық объектілердің және мемлекетпен аффилирленбеген заңды тұлғалардың, сондай-ақ жеке тұлғалардың меншігінде тұрған стратегиялық объектілердің тізбелеріне енгізілген ұйымдардың акцияларының (қатысу үлестерінің) бақылау пакетінің сақталуын қамтамасыз етсін;

5) сату-сатып алу шартын жасасқанға дейін ұйымдар қызметкерлерінің саны мен штатын қысқартпасын.

6. Қазақстан Республикасының Ұлттық экономика министрлігі жарты жылдың және жылдың қорытындылары бойынша (25 шілдеге және 25 қаңтарға), Қазақстан Республикасының Үкіметіне осы қаулының орындалу барысы туралы жиынтық ақпаратты жыл сайын беруді қамтамасыз етсін.

7. Осы қаулының орындалуын бақылау Қазақстан Республикасының Ұлттық экономика министрлігіне жүктелсін.

8. Осы қаулы 2026 жылғы 1 қаңтардан бастап қолданысқа енгізіледі.

**Қазақстан Республикасының
Премьер-Министрі**

Бектенов

Подпись канцелярии




О.

28.10.2025 17:35 НУРЛЫБАЕВА ДИНАРА

Подпись руководителя

27.10.2025 10:38 БЕКТЕНОВ ОЛЖАС



Тип документа	Входящий документ
Номер и дата документа	№ Д-27608//894 от 29.10.2025 г.
Организация/отправитель	АППАРАТ ПРАВИТЕЛЬСТВА РЕСПУБЛИКИ КАЗАХСТАН
Получатель (-и)	МИНИСТЕРСТВО ФИНАНСОВ РЕСПУБЛИКИ КАЗАХСТАН
Электронные цифровые подписи документа	 Государственное учреждение "Аппарат Правительства Республики Казахстан" Подпись руководителя: БЕКТЕНОВ ОЛЖАС MIAGCSqG...AAAAAAAAA= Время подписи: 27.10.2025 10:38
	 Государственное учреждение "Аппарат Правительства Республики Казахстан" Подпись канцелярии: НУРЛЫБАЕВА ДИНАРА MISjQYJ...wQSuauQ== Время подписи: 28.10.2025 17:35
	 ЭЦП канцелярии: Канапина Орынбасар Казымбековна без ЭЦП Время подписи: 29.10.2025 10:23



Данный документ согласно пункту 1 статьи 7 ЗРК от 7 января 2003 года N370-II «Об электронном документе и электронной цифровой подписи», удостоверенный посредством электронной цифровой подписи лица, имеющего полномочия на его подписание, равнозначен подписанному документу на бумажном носителе.